



Vogošća, ul. Jošanička, br. 80; tel: 00387 33 586 413, fax: 586 418

Broj: 07-14-1209/19
Vogošća, 31.07.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 31.07.2019. godine donio je

**ODLUKU
O PONIŠTENJU POSTUPKA JAVNE NABAVKE RADOVA NA IZGRADNJI I DOGRADNJI
JAVNE RASVJETE NA PODRUČJU OPĆINE VOGOŠĆA**

Član 1.

Poništava se Otvoreni postupak nabavke radova na izgradnji i dogradnji javne rasvjete na području općine Vogošća broj: 07-14-1209/19, jer primljena ponuda nije prihvatljiva.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 21.06.2019. godine donio Odluku o pokretanju Otvorenog postupka nabavke radova na izgradnji i dogradnji javne rasvjete na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 10.07.2019. godine pod brojem: 1353-1-3-152-3-107/19.

Sažetak Obavještenja o nabavci objavljen je u "Službenom glasniku BiH" broj: 47/19 od 12.07.2019. godine.

Tendersku dokumentaciju sa Portala javnih nabavki BiH su preuzela 22 (dvadeset i dva) ponuđača.

Krajnji rok za dostavu ponuda bio je 26.07.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 26.07.2019. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača "Ses" d.o.o. Sarajevo, broj int. knjige 258/19, sa ponuđenom ukupnom cijenom nabavke u iznosu od 238.732,30 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-14-1209/19 iz jula 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Ses" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 8.2.1.TD a u skladu sa članom 58. Zakona, propisano je da Ponuda mora da sadrži slijedeće elemente i to između ostalih:
 - Obrazac za cijenu ponude, sačinjen i popunjen u skladu sa šemom koja je data u Aneksu 2. tenderske dokumentacije, ovjeren i potpisan od strane ponuđača.Također, tačkom 8.4.1.TD je jasno propisano da se Ponuda izrađuje na način da čini cjelinu i ista mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke.

Ponuđač "Ses" d.o.o. Sarajevo je u svojoj Ponudi (strana 5-102. Ponude) dostavio popunjen Obrazac za cijenu ponude-Aneks 2. Ponuđač "Ses" d.o.o. Sarajevo je na:

- strani 36. Ponude (stavka-redni broj 16-kolona jedinična cijena),
- strani 43. Ponude (stavka-redni broj 1-kolona ukupno),
- strani 64. Ponude (stavka-redni broj 8-kolona jedinična cijena) i na
- strani 102. Ponude (kolona ponuđeni popust)

izvršio ispravke iznosa na način da je koristio korektor prilikom upisivanja tačnih iznosa tj. prilikom ispravki grešaka nastalih tokom popunjavanja Aneksa 2, bez potpisa ponuđača i bez datuma izvršenih ispravki.

Ponuđač "Ses" d.o.o. Sarajevo je u svojoj Ponudi (strana 22. Ponude) stavka-redni broj 25-kolona ukupno, izvršio ispravku iznosa na način da je preko ranije upisane cifre upisao novu cifru, bez potpisa ponuđača i bez datuma izvršene ispravke.

Agencija za javne nabavke BiH u svom mišljenju broj: 04-02-1-4-2/19 od 07.01.2019. godine, a koje se odnosi na primjenu člana 18. stav 1. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) navodi da je ponuđač "dužan da pazi da ispravka bude vidljiva, npr. ispravku izvršiti vodoravnim precrtavanjem upisa u toj rubrici i unošenje ispravnog teksta u slobodni dio rubrike uz obavezno stavljanje datuma ispravke i potpisom ponuđača.

Potvrđivanje ispravke od strane ponuđača mora biti izvršeno potpisom ponuđača i datumom ispravke, u suprotnom, izgubio bi se smisao autentičnosti i vjerodostojnosti same ispravke.

Korištenje korektora u konkretnom slučaju teško da može zadovoljiti zahtjev da ispravka bude urađena na način da su te ispravke vidljive".

Također, praksa Ureda za razmatranje žalbi BiH po pitanju ispravki greški bez potpisivanja i navođenja datuma kada je vršena ispravka, u Rješenjima broj:

- JN2-03-07-1-1261-8/16 od 12.01.2017. godine,
- JN2-01-07-1-803-8/17 od 18.01.2018. godine,
- JN2-02-07-1-628-6/17 od 01.02.2018. godine i
- JN2-02-07-1-520-7/17 od 02.04.2018. godine

je da su ispravke koje nisu potvrđene potpisom i datirane bile razlog za odbijanje ponuda kao neprihvatljivih.

Na osnovu iznesenog, a uz uvažavanje gore citiranog mišljenja Agencija za javne nabavke BiH kao i prakse Ureda za razmatranje žalbi BiH, Komisija za javne nabavke smatra da je ponuđač "Ses" d.o.o. Sarajevo postupio suprotno odredbi člana 18. stav 1. Uputstva za pripremu modela tenderske dokumentacije i ponuda, te je stoga predmetna ponuda kao takva neprihvatljiva za ugovorni organ.

- Tačkom 8.1.4. TD, a u skladu sa članom 8. stav 6. i 7. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) propisano je da sve strane ponude moraju biti numerisane na način da je vidljiv redni broj stranice ili lista.

Komisija za javne nabavke smatra da je ponuđač "Ses" d.o.o. Sarajevo u svojoj Ponudi napravio značajan propust iz razloga što je u nacrtu Okvirnog sporazuma izgubio kontinuitet numerisanja stranica Ponude. Naime, nakon stranice pod brojem 182. u ponudi ponuđača "Ses" d.o.o. Sarajevo dolazi stranica 184. te nakon nje stranice numerisane brojevima 183. i 185.

- Tačkom 7.4.1. pod c) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova, i između ostalog da ima na raspolaganju 1 (jednu) auto dizalicu sa korpom minimalno dužine 14 m. Tačkom 7.4.2. pod c) Napomenom III je definisano da upotrebna dozvola važi 3 (tri) godine od dana izdavanja iste. Ukoliko iz dostavljene upotrebne dozvole nisu vidljive tražene karakteristike mašina/opreme, potrebno je da ponuđač dostavi dokaz-Zapisnik o pregledu mašina/opreme ili drugi dokaz iz kojeg su nedvosmisleno vidljive tražene karakteristike.

Obzirom da u Potvrdi o registraciji (strana 168. Ponude) kao ni u dostavljnim Upotrebnim dozvolama (strana 172-173. Ponude) ponuđača "Ses" d.o.o. Sarajevo nigdje nije navedeno da se radi o auto dizalici sa korpom minimalno dužine 14 m, tj. sa traženim karakteristikama propisanim tačkom 7.4.1. pod c) TD, Komisija za javne nabavke nije mogla da pravilno izvrši ocjenu dostavljenih dokaza, te je mišljenja da auto dizalice sa korpom navedene u dostavljenim Upotrebnim dozvolama broj: 1246/6/17 od 24.04.2017. godine i broj: 1246/7/17 od 24.04.2017. godine ne ispunjava uslove postavljene u TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, a postupajući u skladu sa odredbama člana 68. Zakona o javnim nabavkama BiH, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke radova na izgradnji i dogradnji javne rasvjete na području općine Vogošća, iz razloga jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:
1. "Ses" d.o.o. Sarajevo
2. Nadležnoj Službi
3. U dosije
4. a/a

033/766-557



OPĆINSKI NAČELNIK

Edin Smajić
Edin Smajić